

წერილი რედაქციის მიმართ.

ბ-ო რედაქტორო! უმორჩილესადა გთხოვთ ნება მიბოძოთ თქვენის პატივცემულ გაზეთ „ცნობის ფურცლის“ საშუალებით მადლობა გამოგუცხადო ყველა იმ პირთ, რომელთაც კეთილ-ინებეს და ჩემდამო რწმუნებულს სასწავლებელს შემწეობა აღმოუჩინეს.

ნ. ბ. რუსიევილს, რომელმაც გამოუწერა სკოლას გაზეთი „ცნობის ფურცელი“; ყ. ქარცივაძეს, პ. დოლიძეს. მ. ცერცვაძეს, შ. ცერცვაძეს, ს. ჭანიშვილს, დ. მურვანიძეს და ლუკა ტულუშს, რომელთაც სასწავლებელს ფული შემოსწირეს (პირველებმა ათ-ათი შაური, ხოლო უკანასკნელმა—20 კ.) სკოლის შენობის დასადგმელ ფანარის საყიდლად; ბ-ნთ გ. შარაშიძეს და მარგალიტაძეს, რომელთაც უფასოდ მომაწოდეს სასწავლებელთან ახლად დაარსებული ბაღის მოსაწყობად პირველმა—3 ძირი ნამყენი მსხალი, 2 ძირი ვაშლი, 2 ატამი, ერთი ქლიავი, 17 ძირი ბჟოლის ნერგი და სხვ., ხოლო მეორემ—130 ძირამდე ბჟოლის ნერგები, და ბ-ნს მიხეილ ცერცვაძეს, რომელმაც გამოგვიგზავნა უფასოდ საბოსტნე თესლეულობა 17 თავი, ღირებული 4 მან. და 10 კაპეიკად.

ხვარბეთის ორ-კლ. სასწავლ. ზედამხედველი

კ. გობეჩია

ბ-ნო რედაქტორო! უმორჩილესად გთხოვთ ნება